

# **IMAQARNILIAQ US - Utoqqaat siunnersuisoqatigiiffiat**

## **09-09-2024**

**Ulloq ataatsimiiffissaq** Mandag 09. september 2024 kl. 18:00

**Ataatsimiiffissaq** Kommunalbestyrelsip ataatsimiittarfia

# Indholdsfortegnelse

Imaqarniliaq.....	3
-------------------	---

**Punkt .: Imaqarniliaq**

# Utoqqaat pillugit Siunnersuisooqatigiit ataatsimiinneranni imaqarniliaq

*Ataasinngorneq, ulloq 09. septembari 2024, nal. 13:00*  
*Sumi: Suliffeqarnermut Isumaginninnermullu Ingerlatsiviup ataatsimiittarfiani*

**Ataatsimeeqataasut ukuupput:**


Birthe Nielsen, siulittaasoq  
Kaj Kleist, siulittaasup tullia  
Kirsten Holm, Ilaasortaq  
Daniel Blytmann, ilaasortaq

**Najuuttussaaitaasut:**

Naja Anelouise Heilmann, allatsi

**Peqataasinnaanatik nalunaartut:**

Karen Lund Mølgaard, Utoqqarnut suliasaqarfimmi fagcheft  
Jakob Thorsen, Ilaasortaq  
Peter Petersen, sinniisoq



## Imarisaa

<b>1. Oqaluuserisassat akuerineqarneri</b> .....	3
<b>2. Ilisimatitsissutit</b> .....	3
<b>2.1 Utoqqaat pillugit siunnersuisooqatigiit siulittaasuannit</b> .....	3
<b>2.1.1 Utoqqaat illuini sulisussaaleqineq</b> .....	3
<b>3. Taasariaqartut allat</b> .....	4
<b>Ilanngussaq 1</b> .....	4



# 1. Oqaluuserisassat akuerineqarneri

Ullormut oqaluuserisassat akuersissutigineqarput.

## 2. Ilisimatitsissutit

### 2.1 Utoqqaat pillugit siunnersuisooqatigiit siulittaasuannit

#### 2.1.1 Utoqqaat illuini sulisussaaleqineq

Naammagittaalliummik tigusaqareernerup kingorna Utoqqaat pillugit Siunnersuisooqatigiit ullumi ataatsimiigasarput. Ataatsimiinnermut siunertaq tassaavoq, Utoqqaat pillugit Siunnersuisooqatigiit utoqqaat illuini sulisussaaleqinermit qanoq aaqqiissutissarsioqataasinnaanerat oqallisigissallugu, taamaalilluni utoqqaat najugaqartut pisarialimmik isumassorneqartarniassammata aamma tapersorneqartarniassammata.

Siulittaasup utoqqaat illuini ataavartumik sulisussaaleqinermit suna pissutaanersoq paasineqarnissaata pingaassusaa ilutigalugu erseqqissarpaa. Pissutaasinnaasutut makkua eqqaaneqarput:

1. Akissarsiakippallaarneq
2. Aningaasarsiffimmi amerlasuut sulinngitsoortarneri
3. Aqutsinermi unammillernartut
4. Ilinniagaqannginneq aamma sulisunit ilinniartitsineq
5. Sulisut akornanni inuttut atukkat
6. Sulisut pikkorissut pissarsiariniarnerini unammilligassaqaarneq – utoqqaat illuinit sulisussarsiornissamut naammappat?
7. Sullivimmi tarnikkut atugarisat

Nuummi utoqqaat amerleriarsimasut aamma ukiuni tulliuttuni amerlanerulernissaasa naatsorsuutigineqarnerat siulittaasup eqqaavaa. Nikeriarneq tamanna najugaqartunut massakkut ilungersuuteqareersunut pisariaqartinneqartumik isumassuinissamut utoqqaat illuini sulisussaaleqinikkut unammillernartoqartitsivoq.

Ajornartorsiummi aaqqiissutissaasinnaasunik nassaarniarluni siunnersuut una eqqartorneqarpoq:

1. Sulisut ilinniarsimangitsut suliassamik suunerinik ersarissunik malitassaqaassat aamma akulikitsumik kvartalikkaartumik malinnaaffiginnilluni ataatsimeeqatigineqartassat.
2. Utoqqaat illuini ullup affaanik atorfinnik amerlanerusunik pilersitsisoqassasoq.
3. Illoqarfigisami sulisussanik nassaartoqarniarneq ajornakusoorpat, sulisunik avataaneersunik sulisussarsiortoqassasoq.
4. Ulluni ulapaarfiusuni tassunga ilanngullugu ulluni aningaasarsiffimmi sulisunik amerlanerusunik sulisoqalissasoq.
5. Sulisut unnuakkut imaluunniit sapaatip akunnerata naanerani sulisinnaaniassammata sulisut meeraannut paaqqinninnissamut neqeroorutininik pilersitsisoqassasoq.
6. Suliffeqarfinnut namminersortunut eqqiaanermi, errorsinermi aamma nerisassiormi suliassanik suliariumannittussarsisoqassasoq



Iliuusissat tamakku utoqqaat illuanni sulisut najugaqartunut isumaginninnerunissaannut piffissaqalersitsissagaluarput sulisussaqaqarnerulerlutillu.

### **Ombudsmandimit nakkutilliinerit**

Inatsisartut ombudsmandiata aamma nunatta nakorsaanera utoqqaat illuanni pissutsinut eqqumaffiginninnerulertariaqarnerat aamma nakkutilliilluarnerusariaqarnerat pillugu siulittaasoq aamma eqqaasaqarpoq.

Utoqqaat pillugit Siunnersuisoqatigiit ombudsmandimit utoqqaat illuunik nakkutilliinissaq inatsisitigut pisussaaffiunersoq ingerlatsivik erseqqissaaqqullugu noqqaassuteqarput.

Utoqqaat pillugit Siunnersuisoqatigiit Utoqqarnut suliassaqaqarfimmut ullumikkut kommunimi sulisut utoqqaat illuini eqqiaanermik, errorsinermik aamma nerisassionermik isumaginnissanersut paasissutissanik utertitsivigineqarnissamik noqqaassuteqarput.

## **3. Taasariaqartut allat**

Soqanngilaq.

### **Ilanngussaq 1**

Utoqqaat pillugit Siunnersuisoqatigiit siulittaasuannit allakkiaq, ulloq 6. septembari 2024-mik ullulernerqarsimasoq, utoqqaat illuini sulisussaaleqineq pillugu qulequtalik kiisalu Utoqqaat pillugit Siunnersuisoqatigiit ataatsimiinnissaq pillugu noqqaassut.

*"Hej Ane Louise aamma siunnersuisoqatigiinni ilaasortaqaatikka.*

*Ulluni kingullerni social mediatigut inunnillu utoqqaat illuikut isertartunit sulisunik amigaateqartorujussuunera pillugu naammagittaalliutinik tigusaqartarpugut tusagaqartarlutalu.*

*Siunnersuisoqatigiinni ilaasortat Nuummiittut kissaatigaat piaartumik sap ak tulliani, soorlu ataasinngorpat 9 Sept nal 13 naapissasugut, utoqqaat illuaniittut iluamik sullinneqannginnerat pillugu naammaginnginnatsigu qanoq iliuusissanik piaarnerpaamik aaqqiisoqarnissaa piumasariniallutigu.*

*Isumaqaarpugut kommunep tungaaniit utoqqaat pisinnaanngitsut naammaginartumik paaqqutarineqarnissaannut pisinnaatitaaffiat unioqqutinneqartoq.*

*Ataatsimiiffissatsinnik periarfissarsiuunneqarnissarput kissaatigaarput, aammalu sulisoqarnermut tunngasunik paasitinneqarnissarput pissusissamisoortutut isigalugu.*

*Inuss,*

*Birte Nielsen*

*Siulittaasoq"*

